

## Kaccāyana dhātu mañjūsā

Namo tassa bhagavato arahato sammāsambuddhassa

Nirutti nikarā'pāra-pāravāra'ntagaṃ munim,  
Vanditvā dhātumañjūsam-brūmi pavacanañjasam.

Sogatāgama mā'gamma-taṃ taṃvyākaraṇāni ca,  
Pāṭhe cā'paṭhitāpe'ttha dhātvatthā ca pavuccare.

Chanda'hānitthamo'kāraṃ-dhātvantānaṃ siyākva ci, yūnaṃ dīgho ca dhātumhā-  
pubbama'tthapadaṃ api.

1. Bhū sattāyaṃ paca pāke gamusappa gatimhi (ca);  
Siloka (dhātu) saṅghāte saki saṅkāya (vattate;).
2. (Atho) kuka-vakā'dāne ke sadde aki lakkhaṇe;  
Ku sadde kucchite ṭaṅka dhāraṇe maki maṇḍane.
3. Vaki koṭillayātrāsu sakka-ṭīkadvayaṃ gate;  
Kaki lolattane yāte takī (idha) gatādisu.

4. Vava, lokanavittisu cakkhavutimhi (tu) rukkha (ca) khe thirahiṃsakhāṇe niya, mo'panayitṭhi  
vatādisa muṇḍisu dikkha ('tha) kakkha-kakhā hasane tura, hiṃsanavuddhigatīsu (hi)  
dakkha'danamhi (tu) jakkha (ca) bhakkha (matā) ana, jāladukhesu (tu) dikkha (ca) dukkha (ca) ikkha  
disa'nka na ko'kha suse.

5. [A] nikkha cumbane'(pi) sikkha vijju'pādu' pāsānamhi rakkha guttivāraṇe (pi) uñchane  
(siyā'pi) bhikkha yāvaladdhya'laddhisū (pi) vakkha rosasaṃhatesu makkha muttiyaṃ caje (pi)  
cikkha vācabodhanesu.

[Ba] nakha makha rakha naṅkhāmaṅkharakkhī'khīlaṅkhā lakha vakha ikha iṅkhā uṅkha  
vaṅkhū'kha gatyam vakhi makhi kakhi kaṅkhe khī khaye ukkha seke khu khutadhanisu (vutto) khe  
(tha) khāde supe (ca.)

6. Aggo (tu) gatikoṭille laga saṅge mage'sane;  
Agī igī rigī ligī vagī gatyā'tthadhātavo.
7. Silāgha katthane jaggha hasane aggha agghane;  
Sighī āghāyane (hoti) laghi sosagatīsu (ca;).
8. Vaca byattavace yāca yācane ruca dittiyaṃ;  
Suca soke kuca sadde (atho) vica vivecane.
9. Añca pūjāgate vañca gamane kiñcā'vamaddane;  
Luñcā'panayane nacca naccane maca rocane.
10. Accā'ccane cu vacane sacco (tu) samavāyane;  
Paca yāte kaci-vacca dittiyaṃ maci dhāraṇe.
11. Puccha sampucchane muccha mohasmiṃ lañcha lakkhaṇe;  
Añchā'yāme (bhava) puñcha puñchane uñcha uñchane.
12. Taccho tanukiraye piñcha piñchane rāja dittiyaṃ;

Vajā'jagamane rañja rāge bhañjā'vamaddane.

13. Añju byattigatīkanti makkhaṇesve'ja kampane;  
Bhaja saṃsevane sañja saṅge (tu) iñja kampane.
14. Yaja devaccane dānasaṅgatīkaraṇesu (ca);  
Tijakkhamanisānesu dāne('pi) caja hāniyaṃ.
15. Sajā'liṅgana vissajja nimmāṇe mujja mujjane;  
Majja saṃsuddhiyaṃ lajja lajjane tajja tajjane.
16. Ajja-sajjā'jjane sajja nimmāṇe gajja saddane;  
Guja-kuja dvayaṃ sadde akhyatte khajja bhakkhaṇe.
17. Bhajja pāke viji bhayacalane vīja vījane;  
Khajī gamanavekalle jī jaye ju jave (siyā;).
18. Jhe cintāyujjha ussagge gamane aṭa-paṭa dvayaṃ;  
Naṭa nacce raṭa paribhāsane vaṭa veṭhane.
19. Vaṭṭa āvattane vaṇṭa vaṇṭatthe kaṭa maddane;  
Phuṭo visaraṇādīsū kaṭa saṃvaraṇe gate.
20. Ghuṭa ghoṣe patighāte viṭa'kkose (ca) pesane;  
Bhaṭa bhayaṃ kuṭa-kotṭacchedane luṭa loṭane.
21. Jaṭa-jhaṭa-piṭa saṅghāte ciṭu'ttāse ghaṭī'hane;  
Ghaṭi saṅghaṭṭane taṭṭa cchedane muṭa maddane.
22. Paṭṭa byattavace heṭṭha bādhāyaṃ veṭṭha veṭṭhane;  
Suṭṭhī-kuṭṭhī dvayaṃ sose piṭṭha hiṃsanadhāraṇe.
23. Kaṭṭha sosanapākesu vaṭṭha thulattane (bhava);  
Kaṭṭhi sose ruṭṭha-luṭṭho'paghāte saṭṭha ketave.
24. (Siyā haṭṭha balakkāre kaḍibhede kaḍicchide;  
Maṇḍa vibhūsane caṇḍa caṇḍikke bhaḍi bhaṇḍane.
25. Paḍi uppaṇḍane liṅgavekalle muḍi khaṇḍane,  
Gaḍi vatte'kadesamhi gaḍi sannivaye('pica;);
26. Raḍi-eraḍi hiṃsāyaṃ piḍi saṅghātaādisu,  
Kuḍi dāhe paḍi gate hiḍi āhiṇḍane (siyā;);
27. Karaṇḍa bhājana'tthamhi (atho) laḍi jigucchane,  
(Vattate) meḍikoṭille saḍi gumbatthamīraṇe;
28. (Atho'pi) aḍi aṇḍatthe (dissate) tuḍi toḍane,  
Vaḍḍha saṃvaḍḍhane kaḍḍha kaḍḍhaṇe bhaṇa bhāsane;
29. Soṇa vaṇṇe guṇa'bhyāse iṇa-pheṇa dvayaṃ gate,  
Paṇa vohārathomesu (vattate) kaṇa milane;
30. Aṇa-raṇa-kaṇa-muṇa-kvaṇa-kuṇa sadde,  
Yata patiyatane juta dittimhi;  
Ata-pata gamane cita saññāṇe,

Kita vāsā' do vatu vattumhi.

31. (Bhave) kattha silāghāyaṃ matha-mattha vilolaṇe,  
Nātha yācanasantāpa isserā'siṃsanesu (ca;)
32. Putha (ce) puthu vitthāre byatha bhīticalesu (ca),  
Gotthu vaṃse patha-pantha gate nanda samiddhiyaṃ;
33. Vandā'bhivādathomesu gada byattavace'(pica),  
(Atho) ninda garahāyaṃ khadi pakkhandanādīsu;
34. Edī (tu) kiñcicalena cadī kantihiḷādane,  
Kilidī paridevādo udissavakiledane;
35. Idī (tu) paramissariye adiandu (ca) bandhane,  
Bhaganda sevane (hoti) bhadda kalyāṇakammaṇi;
36. Sida siṅgārapākesu sadduharitasosane,  
Madi balye muda-madā santose madda maddane;
37. Sandu passavanādīsu kanda'vhāne (ca') rodane,  
Vida lābhe dada dāne rudi assuvimocane;
38. Sado visaraṇā'dānagamane (cā')vasādane,  
Hiḷāda (tu) sukhe sūdakkharaṇe rada vilekhaṇe;
39. Sāda assādanādīsu gada byattavace'(pica),  
Nada abyattasaddo (tu) radā'dā-khāda-bhakkhaṇe;
40. Adda yācanayātrādīsu (tho) mida sinehane,  
(Siyā) khuda jigacchāyaṃ daḷidda duggaccaṃ (hi tu;)
41. Dā dave du gatīvuḍḍhayaṃ dā dāne vida jānane,  
Tadi ālasiye bādha bādhaṃ gudha kiḷane;
42. (Atho) gādha patiṭṭhāyaṃ vuṭṭu-edha (ca) vuddhiyaṃ,  
Dhā (hoti) dhāraṇe (ceva) cintāyaṃ budha bodhane;
43. Sidhu gatimhi yudha sampahāre vidha vedhane,  
Rādha hiṃsāyaṃrādhe badha-bandha (ca) bandhane;
44. Sidha-sādha (ca) siddhimhi dhe pāne indha dittiyaṃ,  
Māna pūjāya vana-sana sambhave ana pāṇane;  
Kana dittiगतिकान्त्याṃ khana-khanva'vadāraṇe.
45. Gupa gopānake gupa saṃvaraṇe tapa santāpe tapa issariye,  
Cupa mandagata tapuubbege rapa-lapa vākye sapa akkose;
46. Japa-jappa vace'byatte tappa santappane (siyā),  
Kapi kiñcicale kappa sāmāthe vepu kammaṇi;
47. Tappa santagatecchede takke hiṃsādīsu'(ccate),  
Vapa bījavinikkhepe dhūpa santapane'(pi ca);
48. Capa sāntve pu pavane jhapa dāhe supo saye,  
Puppha vikkasane (hoti) ramba'lambavasāṃsane;

49. Cumba vadasaṃyoge kamba saṃvaraṇe (mato),  
Amba sadde (ca) assāde tāyane sabi maṇḍane;
50. Gabba dappe'bba-sabbā'(pi) gamane pubba pūraṇe,  
Gumba'bbagumbane cabba adane ubba dhāraṇe;
51. Labha lābhe jambha gattavināme subha sobhane,  
Bhī bhaye rabha rābhasse (cā)'rambhe khubha sañcale;
52. Thambha-khambha patibandhe gabbha pāgabbiye vadhe,  
Sumbha saṃsumbhane sambha vissāse yabha methune;
53. Dubha jīgimsane dabbha ganthane udrabhā'dane,  
Kamū (tu) padavikkhepe khamū (tu) sahaṇe (siyā;)
54. Bhamu anavaṭṭhāne (ca) vamu uggiraṇādisu,  
Kilamu-klamū gelaññe ramu kīlā'ya (mīrito;)
55. Damo dame nama name (atho) sama parissame,  
Yamu uparame nāse ama yāte mu bandhane;
56. Dhamo pumo (ca) dhamane tama saṅkāvibhūsane,  
Dhuma-thīma (ca) saṅghāte tama sāntva'vasādiye;
57. Ayo vayo paya-mayo nayo rayagatimhi (ca)  
Daya dānagatīrakkhā himsādisu yu missane;
- Cāya sampūjane tāya santāne pāya vuddhiyaṃ,  
(Atho) usūya dosā'vikaraṇe sāya sāyane;
58. Tara taraṇasmiṃ thara santharaṇe bhara bharaṇasmiṃ phara sampharaṇe,  
Sara gati cintā himsā sadde phura calanādo hara haraṇasmiṃ;
59. Ri santatismiṃ ri gate ru sadde khuracchidasmiṃ dhara dhāraṇamhi,  
Jara jīraṇatthe marapāṇacāge khara sekanāse ghara sevanamhi;
60. Garo nigareṇa seke dara ḍāhe vidāraṇe,  
Cara gatibhakkhaṇesu vara saṃvaraṇādisu;
61. Caracchede aranāse gate (ca) pūra pūraṇe,  
Kura kkose nara naye jāgara supinakkhaye;
62. Pīlu-palū-sala-hulā gatyā'tthā cala kampane,  
Khala sañcalane phulla vikāse jala dittiyaṃ;
63. Phala nipphattiyaṃ (hoti) dala dittividāraṇe,  
Dala duggattiyaṃ nīla vaṇṇe mīla nimīlane;
64. Sila samādhimhi kīla bandhe gala-gilā'dane,  
Kūla āvaraṇe sūla rujāyaṃ balapāṇane;
65. Tala-mūla patitṭhāyaṃ vala-valla nivāraṇe,  
Palla ninne (ca) gamane mala-malla'vadhāraṇe;
66. (Vattate) khila kāṭhinne kalile ala-kala dvayaṃ,  
Vella sañcalane kalla sajjane alibandhane;

67. Culla hāvakiraye thūlā'kassane cūla maddane,  
(Vattate) khala soceyyo pala rakkhagatesu(pi;)
68. Kela-khela-cela-pela-vela-sañcalanādisu,  
Ava rakkhaṇe jīva pāṇadhāraṇe (tu) plavo gate;
69. Kaṇḍuvanamhi kaṇḍuvo saraṇe chedane dave,  
Davo (tu) davane devu devane sevu sevane;
70. Dhāva gamanavuddhimhi (paṭhito) dhovu dhovane;  
Ve-vī dve tantusantāne ve-vu saṃvaraṇe (siyā)  
Hve avhāne keva seke dhuva yātrā thiresu (ca;);
71. Asa gasa adane ghasa adanasmiṃ-isa pariyese isuicchāyaṃ,  
Sasu pāṇanagatihiṃsā'dya'tthe-masa āmasane musa sammose;
72. Kusa akkose dusa appīte-tusa santose pusa posamhi,  
Rusa ālepe rusa hiṃsāyaṃ-masu macchere usu dāhe ('pi;)
73. Hasa hasanasmiṃ ghusa saddasmiṃ-tasa ubbege trasa ubbege,  
Lasa kantya'tthe rasa assāde-(puna)bhasa bhasmikaraṇe(cā'pi;)
74. Gavesa maggaṇe paṃsa nāsane disa pekkhaṇe,  
Sāsā'nusitṭhiyaṃ haṃsa pitiyaṃ pāsa bandhane;
75. Saṃsa pasamsane issa issāyaṃ kassa kassane,  
Dhaṃsa padhaṃsane siṃsa icchāyaṃ ghaṃsa ghaṃsane;
76. Saṃsa-damsā (tu) ḍasane bhāsa vācāya dittiyaṃ,  
(Siyā) bhusa alaṅkāre (atho) āsū'pavesane;
77. Vasa kantinevāsesu vassasecanasaddane,  
Kisa sāṇe kasa gate kasa hiṃsāvilekhane;
78. Disā'tisajjanā'dīsu kāsa dittimhi sajjane,  
(Duve dhātu) khasa-jhasa hiṃsāyaṃ misa milane;
79. Su hiṃsākulasandhānayātrā'dīsu su passave,  
Su sadde su pasavane si saye (ca) si sevane;
80. Maha pūjāyā'rahapūjāyaṃ-guha saṃvaraṇe liha assāde,  
Raha cāgasmiṃ muha mucchāyaṃ-maha sattāyaṃ bahu saṃkhyāne;
81. Saha khame daha bhasmikaraṇe (ca) patiṭṭhāyaṃ,  
Ruha sañjanane ūha vitakke vaha pāpaṇe;
82. Duha'ppapūraṇe nāse diho upacaye (mato),  
Nindāyaṃ garaho īha ghaṭṭane miha sevane;
83. Gāha viloḷane brūha-baha-braha (ca) vuddhiyaṃ,  
Vhe saddamhi hasane hā cāge luḷa manthane  
Kīlavihāramhi laḷa vilāse'(mesavuddhikā;)

## Tudādayo avuddhikā

84. Tuda byathāyaṃ (tu) nuda kkhepaṇe likha lekhaṇe,  
Kuca saṅkocane rica kkharāṇe khaca bandhane;
85. Uca sadde samavāye vijī bhayacalesu (ca),  
(Vattate) bhujā koṭille valañjo (tu) valañjane;
86. Bhaja sevāputhakkāre ruja roge aṭā'ṭane,  
Kuṭacchede (ca) koṭille agā sajjhāyanā' disu;
87. Puṇo subha kiraye vatta vattane cata yācane,  
Putha pāke pūtibhāve kuthasaṃklesane' (pi ca;)
88. (Ubho dhātu) putha-patha vitthāre vida jānane,  
Hada uccāra ussagge-cintāyaṃ mida hiṃsane;
89. Nandha vinandhane thīna-puna saṅghātavācino,  
Kapa acchādane vappa vāraṇe khīpa perāṇe;
90. Supo saye chupo phasse (vattate) capa sāntvane,  
Nabha (dhātu) vihiṃsāyaṃ rumbha uppīlanādisu;
91. Sumbha saṃsumbhane jambha jambhane jubha nicchubhe,  
Ṭhubha niṭṭhubhane camu adane chamu hīlane;
92. Jhamu dāhe chamu adane irīya vattane' (pi ca),  
Kira (dhātu) vikiraṇe giro nigiraṇā' disu;
93. Phura sañcalanādīsu kura saddā' danesu (ca),  
Khuracchede vilikhaṇe ghura bhīme gilā' dane;
94. Tila snehe cila vāse hila hāve silu'ñchane,  
Bila bhede thūla caye kusacchedana pūraṇe;
95. Visappavese pharaṇe disā'tisajjanā' disu  
Phula phasse musa theyye thusa appikirayāya (tu)  
Guḷa mukkhe guḷa parivattanamhi (tuḍādayo;)

Hū bhuvādayo luttavikaraṇā

96. Hū-bhū sattāya (mu'ccanti) i ajjhāne gatimhi (ca),  
Khā-khyā (dvayaṃ) pakathane jī jaye ñā'vabodhane;
97. Sī-lī vehāsaḡamane ṭhā gatīvinivuttiyaṃ,  
Nī pāpaṇe muna ñāṇe hana hiṃsāgatīsu ('pi)
98. Pārakkhaṇamhi pā pāne brū vācāyaṃ viyattiyaṃ,  
Bhā dittiyaṃ mā pamāṇe (atho) yā pāpuṇe (siyā;)
99. (Duvepi) rā-lā ādāne vā gatīgandhanesu (pi),  
Asa (dhātu) bhuvī (khyāto) sī saye sā samatthiye;

### **Juhotyā'dayo sadvibhāvaluttavikaraṇā.**

100. Hū dāne' (pi ca) ādāne havyaḍāne (ca vattate),  
Hā cāge kamu yātrāyaṃ dā dāne dhā (ca) dhāraṇe;

Avikaraṇabhūvādayo samattā.

## Rudhādayo

101. Rudhi āvaraṇe muca mocane rica recane,  
Sica seke yuja yoge bhujā pālanabhojane;
102. Katicchede chidi dvedhākaraṇe bhida vidāraṇe  
Vida lābhe lupacchede vināse lipalimpane  
Pisa saṃcuṇṇane hisi vihiṃsāyaṃ (rudhādayo;)

## Divādayo

103. Divu kilā vijigimṣā vohārajūti thomite,  
Sivu tantūnasantāne khī khaye khā pakāsane;
104. Kā-gā sadde (pi) ghā gandho'pādāne ruca rocane,  
Kaca dityaṃ muca moce (atho) vica vivecane;
105. Rañja rāge sañja saṅge khalane majja suddhiyaṃ,  
Yujo samādhimhi lujo vināse jhā vicintane;
106. Tā pālāne chidi dvedhākāre mida sinehane,  
Madu'mmāde khida dīnabhāve bhida vidāraṇe;
107. Sida pāke padagate vida sattā vicintane,  
Dī khaye supane dā (ca) dāne dātva'vakhaṇḍane;
108. Budhā'vagamanā'dīsu atthesu yudha yujjhane,  
Kudha kope sudha soce rādha hiṃsāya siddhiyaṃ;
109. Idha saṃsiddhivuddhīsu sidha-sādha (ca) siddhiyaṃ,  
Vidha vedhe gidha gedhe rudhi āvaraṇā'disu;
110. Mana nāṇe janu'ppāde hana hiṃsāgatīsu (pi,)  
Sinā soce kupa kope tapa santāpa pīṇane;
111. Lupacchede rupa nāse pakāse dipa dittiyaṃ,  
Dapa hāse labha lābhe lubha gedhe khubho cale;
112. Samū'pasama khedesu hara-hirī (ca) lajjane,  
Milā gattavīnāme (ca) gilā hāsakkhaye (pi ca);
113. Lī silese dravīkāre vā gatī bandhanesu (ca,)  
Lisi lese tusa tose silisā'liṅganādisu;
114. Kilisa kaliso'patāpe (atho) tasa pipāsane,  
Rusa rose disa-dusa appītimhi (duve siyuṃ;)
115. Yasuppayatane asu khepane (pi ca vattate,)  
Susa sose bhasa adhopāte nasa adassane;
116. Sā'ssāde sā'vasāne (ca) sā tanūkaraṇe (pi ca) hā cāge muha vecitte naha sajjanabandhane  
naha soce pihicchāyaṃ siniha-saniha pītiyaṃ.

## Svādayo

117. Su savaṇe saka sattimhi khī khayamhi gi saddane,  
Apa-sambhū (ca) pāpuṇane hi gatimhi vū saṃvare;

## Kiyādayo

118. Kī vinimaye ci caye ji jaye ñā'vabodhane,  
Thava'bhittave kampane dhu (atho) pu pavane (siyā;)
119. Pī tappaṇe mā pamāṇe khipakkhepe mi hiṃsane,  
Mi pamāṇe mu bandhe (ca) lu pacchede si bandhane  
Asa bhakkhaṇe (atho) gaha upādāne (kiyādayo;)

## Tanādayo

120. Tanu vitthāre saka sattismiṃ-du paritāpe sanu dānasmim,  
Vana yācāyaṃ manu bodhasmim-hi gate apa pāpuṇanasmim (hi,)  
Kara karaṇasmim(bhavati)si bandhe-su abhissavane(tanu ādīni;)

Niccaṃ ñeṇyantā curādayo.

121. Cura theyye loka (dhātu) dassane aki lakkhaṇe,  
Siyā thaka patighāte (puna) takka vitakkaṇe;
122. Lakkha dassanañkesu (vattate) makkha makkhaṇe,  
Bhakkhā'dane makkha moce sukha-dukkha (ca) takiraye;
123. Liṅga cittakirayā'dīsu maga-magga gavesane,  
(Punā'pi) paca vitthāre klese vañca palambhane.
124. Vacca ajjhāyane acca pūjāyaṃ vaca bhāsane,  
Raca patiyatane suca pesuññe ruca rocane;
125. Mucappamocane loca dassane kaca dittiyaṃ,  
Sajjā'jja ajjane tajja tajjane vajja vajjane;
126. Yuja saṃyamane pūja pūjāyaṃ tija tejane,  
Paja magga saṃvaraṇe gate bhaja vibhājane;
127. (Atho) bhāja puthakkāre sabhāja pītidassane,  
(Atho tu) ghaṭa saṅghāte ghaṭṭa sañcalanā'disu;
128. Kuṭa-kotṭacchedane (dve) kuṭa ākoṭanā'disu,  
Naṭa nacce caṭa-puta bhede vaṇṭa vibhājane;
129. Tuvatṭa ekasayane ghaṭo visarāṇe (siyā),  
Guṇṭha oguṇṭhane heṭṭha bādhāyaṃ veṭṭha veṭṭhane  
Guḍi veṭṭhe kaḍi-khaḍi bhedane maḍi bhūsane;
130. Paṇḍa-bhaṇḍa paribhāse daḍi āṇāya (mīrito),  
Taḍi saṃtāḷane piṇḍa saṅghāte chaḍḍa chaḍḍane;



131. Vaṇṇa saṃvaṇṇane cuṇṇa cuṇṇane āṇa pesane,  
Gaṇa saṃkalane kaṇṇa savaṇe cinta cintane;
132. Santa saṅkocane manta gutta bhāsana jānane,  
Cīta saṃcetanā' disu kitta saṃsaddane (bhavē;)
133. Yata nīyyātane gantha sandabbhe attha yācane,  
Katha vākyappabandhe (ca) vida ñāṇe nude cuda;
134. Chadā' pavāraṇe chadda vamaṇe chanda icchayaṃ,  
Vadī' bhivāda thomesu bhadikalyāṇakammaṇi;
135. Hiḷāda (tu) sukhe gandha sūcane vidha kammaṇe,  
Randha pāke (atho) māna pūjāyaṃ nu tthutimhi (tu;)
136. Thana devasaddhe ūna parihāṇe thena coriye,  
Dhana sadde ñapa tosa nisāna māraṇā' disu;
137. Lapa vākye jhapa dāhe rupa ropāṇādisu,  
Pī tappane (siyā) kappa vitakke labhi vañcane;
138. (Atho) vahi garahāyaṃ samu sāntvana dassane,  
Kamu icchāya kantimhi (siyā) thoma silāghane;
139. Timu temana saṅkāsu ama rogagatā' disu,  
Saṃgāma yuddhe (vatteyya) īra vācā pakammaṇe;
140. Vara āvaraṇi' cchāsu yācāyaṃ dhara dhāraṇe,  
Tīra kamma samattimhi pāra sāmattiyā' disu;
141. Tulu' mmāṇe khala sove sañcaye pālarakkhaṇe,  
Kala saṅkalanā' dīsu (bhavē) mīla nimīlāne;
142. Sīlū' padhāraṇe mūla rohaṇe lala icchane,  
Dula ukkhepaṇe pūla mahattana samussaye;
143. Ghusa sadde pisa pese bhusā' laṅkarāṇe (siyā,)  
Rusa pārusiye khamṣa akkose pusa posane;
144. Disa uccāraṇā' dīsu vasa acchādane (siyā,)  
Rasa' ssāde rave snehe (atho) sisa visesane;
145. Si bandhe missa sammisse kuha vimbhāpaṇe siyā,  
Raha cāge gate (cā' pi) maha pūjāya (mīrito;)
146. Pihī' cchāyaṃ siyā vīḷa lajjāyaṃ eḷa phāḷane  
Hiḷa gārahiye pīḷa bādhāyaṃ taḷa tāḷane  
Laḷa (dhātū)' pasevā' yaṃ (vattatī' mecurādayo;)

Samattā sattagaṇā.

147. Bhuvādī ca rudhādī ca-divādī svā' dayo gaṇā,  
Kiyādī ca tanādī ca-curādītī' dha sattadhā;
148. Kirayāvācittamakkhātu-me' kekattho bahū' dito,  
Payogato' nugaṇṭabbā-anekattā hi dhātavo;

149. Hitāya mandabuddhīnaṃ-vyattaṃ vaṇṇakkamā lahuṃ,  
Racitā dhātumañjūsā-sīlavaṃsena dhīmatā;
150. Saddhammapaṅkeruharājahaṃso,  
Āsiṭṭhadhammaṭṭhiti sīlavaṃso;  
Yakkhaddilenākhyā nivāsavāsī,  
Yatissaro soyamidaṃ akāsi;

Kaccāyana dhātumañjūsā samattā.

### Sācariyānusiṭṭhā parisīṭṭhaparibhāsā

1. Ekā nekassa rānantū-'bhayaṃ antimā sarā,  
Aṅgānubandhā dhātūnaṃ-vuccante'pi yathākkamaṃ;
2. Dhātuno vyāñjanā pubbe-niggahītaṃ sama'ntimā,  
Ivaṇṇenā'rudhādīna-manubandhena ciṇhitam;
3. Sesā'nubandhā sabbesaṃ-hontī'dhu'ccāraṇapphalā,  
Uccāvacapphalā bhāsa-ntarampatvā bha vanti'pi;
4. Nāmadhātuka bhāvo'pi-kirayāya adhikārato,  
Viruddhantarābhāvā-kvacideva payujjate;
5. Dvādayuttivasā kvāpi-ādeso yovibhattiyā,  
Guṇādibhāva saddo'pi-takirayatthe vidhīyate;